

東湖詩鈔 乾

柳田文庫

文庫11

A 1243

1

10

15

20

25

30

文庫11
A1243
1

序



東湖孫曰先生忠謹才學其名
震耀海內必韻語特其結餘耳
然愛及屋烏人之情也况於其詩
卷乎江戶孫仁心真先生交如兄
弟而中孤集香與先生第三字

子行君共艱苦數年矣今將鐫
此卷亦其情之所不可已也集香
知余占先生有言囑以序及校
訂因憶余嘗弄仁門討先生
礫川郎舍酒百與激論未平不
合縱橫上下殆至相罵而止後

數日余意未得平將作一書以
極論此事而先生欣然置酒拉
二三子身見過余玉池敞座余意
為近之頓脂其洪量而不能復
一語及予子但謝前日大醉耳
事在甲寅之山歲距七十又四年

矣恍如夢寐今以此卷不覺掩
淚嗚乎集香之囑余安得辭
之孝名下而之秋於鴨沂之湖山
行棧 小聖長息序



東湖藤田君墓碑

安政二年十月二日我水戶側用人兼學校奉行
藤田君歿於江戸藩邸 兩公悼惜命歸葬鄉里
明年 景山公親題其碑曰表誠命臣延光爲
延光謹案藤田氏之先蓋出自參議小野篁考諱
一正始仕我 文公終於彰考館總裁妣丹氏君
諱彪字斌鄉稱虎之助後更誠之進号東湖君幼
而奇穎稍長嗜武藝不甚喜讀書年踰弱冠慨然
自奮曰絳灌無文隨陸無武古人所笑大丈夫奈

何不學遂刻苦讀書尋喪父襲二百石補進物番
爲彰考館編脩攝總裁事論館中五事議論剴切
文辭雄健始知其專力家學哀公病篤繼嗣未
定當路頗有異論物議沸騰一國寒心君憤激將
赴江戶筮之不吉投策曰臣予赴難何問吉凶遂
與諸同志馳至江戶謁支藩守山侯論繼嗣事言
甚切至侯許諾數日公薨有遺命傳國景山
公君聞之卽時上塗還水戶景山公旣襲封知
君有異材擢爲郡奉行三遷至側用人班馬廻番

頭公方綱羅一國人才布列內外皆号爲稱職
而至於通古今達事體則君蓋爲之冠故公眷
遇尤渥入則參預机密出則應對四方議論風生
事無畱滯公每出新令君一秉筆頃刻而成辭
理明暢他人精思不能及當時謀議之臣不爲乏
人而至於氣魄之大智慮之明遇盤錯而不挫處
紛擾而不亂則不得不推君爲全戈凡公之施
爲光明正大一新天下之耳目者君尤有力焉君
容貌魁岸眼光射人人一見服其聰明而愛才容

衆人有寸長推獎不措雖在劇職常延異能之士
酣暢■談盡其忻歡時或詞賦唱酬詞采煥發其
餘事亦能使人屈服當此時海內之士論人才者
必屈指於君而聲名震天下矣弘化元年幕府俄
命公傳國世子南山公君亦獲罪屏居小梅
別墅是後再攻家學綜覽群書數歲聽還鄉里尋
亦得與親故往來遠近乞教者日填門嘉永六年
公受命幕府議防海之政乃召君至江戶復
原職天下想望風裁而君夙憤夷狄之猖獗計畫

甚熟然所持論或與時牴牾君慨然賦詩有寶刀
難洙洋夷血却憶常陽舊草廬之句讀者扼腕而
其報國之誠則確然不撓南山公親書誠之進
三字賜之以爲通稱云公又以君才兼文武命
總督學政無幾江戶地大震君以是日没享年五
十葬於水戶城西常盤原先人墓側所著有回天
詩史常陸帶館記述義君娶山口氏子四人長小
野太郎天次建嗣家次任次信女五人長適原田
成德餘尚幼君先人講究實學涵畜淵邃未及施

而歿君天資豪爽夙有大志一旦遭遇以明大義
正人心爲己任以敬神奮武爲政教根本蓋無不
本於家學者故施之事業猶取諸篋笥而慷慨激
烈每遇大事以死自誓無所畏避亦皆遵遺訓也
嘉永中夷船屢來邊境繹騷

天子深憂之而嘉景山公留意邊備繇此君名
亦嘗得上聞訃至京師

天子震悼有失人之歎云聞者感動蓋爲天下惜
焉銘曰

名家之後實生魁雄謂天果無意耶何以能遭
吾公謂天果有意耶何爲不畢其功天固不可知
也人孰不知其誠忠忠精凜凜震動
宸聰孰謂臣子之誠不達九重乎

東湖詩鈔上

水戶 藤田彪彬卿著

甲辰

謫居答豐田天功寄詩見暗次韻

頑鈍慙無先見明。愚忠欲効奉公誠。曾中偉略渾
無用。匣裏寶刀空自鳴。埋海愁心何日竭。回天事
業曷時成。憑君寄語同盟友。萬死猶存魏闕情。

其二

由來上帝眼分明。誰使狂瀾沒血誠。殘月婆婆半
庭暗。金風肅殺萬林鳴。未聞一箭城狐殪。只見三
人市廛成。還喜親朋交態厚。遙頌詩酒慰幽情。
謫居偶作

夜坐有感

金風颯颯釀群陰。玉露溥溥凋萬林。獨坐三更天
地靜。一輪明月照丹心。

言志

俯思鄉國仰思君。日夜憂愁南北分。惟喜閑來
耽典籍。錦衣玉食本浮雲。

十三夜

屏跡連旬礫水頭。悲風滿目動高秋。秋闌桂樹花
方老。霜冷草蟲聲更幽。雙袖空濺憂國淚。一樽何
問繼華遊。中宵強向天涯坐。無限清光照旅愁。
余以五月六日奪職謫居。九月十六日有命
收余田祿及茅宅。給以月俸。賜宅於武隈。

何唯落職負ノミ君公今日無田祭酒翁世態變遷

人莫怪東湖顛倒作湖東梅巷舊廬仙湖當其東所以有余号而武隈在

湖之東云

小至書懷

微陽未足決群陰霜雪難消日易沈哀鴈數聲添
旅恨寒梅一點見天心離騷何用楚臣賦抱膝時
為梁甫吟歲歲豈無冬至節今年感慨為誰深

贈豐田天功

金滕藏匱燃豆其北關上書身殆危楚國未逢天

定日瀟陵方屬數奇時倘非憂憤宵閒積安得文章
宇內垂努力加餐須自愛龍門徂矣舍君誰

有客贈一酒瓢者愛翫不置賦瓢兮歌

瓢兮瓢兮我愛汝汝嘗熟知顏子賢陋巷追隨不
改樂盡以美祿延年天壽有命非汝力聲名猶
附驥尾傳瓢兮瓢乎我愛汝汝又嘗愛豐公憐金
裝燦爛從軍日一勝加一百且千千瓢所向無勅
敵叱咤忽握四海權瓢兮瓢兮我愛汝悠悠時運
幾變遷亞聖至樂誰復踵太閭雄圖何忽焉不用

東湖詩集
獨醒吟澤畔。只合長醉伴。謫仙飄兮。飄兮我愛汝。
汝能愛酒。不愧天消息。盈虛與時行。有酒危坐無。
酒顛汝危坐時。我未醉。汝欲顛時。我欲眠。一醉一
眠。吾事足。世上窮通何處邊。

題菊池容齋龍圖

蛟龍得雲雨。非復池中物。如何風塵寰。徒使英雄
屈。

步韻酬友人見寄

奔走風塵一五年。跡踪居處幾變遷。失脚忽墮陷

阱裏。何問酒家門外涎。猶澆薄醪。培氣力。且將秃
筆耕心田。經濟敢望管葛業。述作欲執班馬鞭。尚
友偶及文宋瑞。土室三年混腥羶。一篇長歌浩然
氣。許國丹心金石堅。孝子即忠忠臣孝。誰言忠孝
不兩全。謫居久癢湯與沐。枕衾坐視蠶虱生。復知
災孽非天作。讒譖多自中釀成。嘗憂戎狄日猖獗。
何圖廟堂養獷獍。一念至此腸欲絕。不知何物破
愁城。忽有鄉書傳消息。詩篇宛然見交情。交情既
厚。言亦文。不負妙齡馳聲名。戒君勿慕當世利。期

東坡詩集
君須傳千載。馨大道湮晦。非一日志士發憤要聞。明大廈朽腐漸亦久。良匠用心在經營。泄泄之徒何足云。人壽幾何俟河清。勸君及時須勉勵。大道未滅。厦未傾。嗟予頑鈍不知機。阨窮遺佚與死濱。萬言策略百無用。七尺形軀一棄人。天錫此閑豈偶然。擬將文辭託悠久。簞瓢屢空渴。又飢勢似孤城。獨苦守朝夕。追隨唯丹心。風檐展書對蒼昊。廣居正位豈他求。孟軻嘗獨行其道。富貴從來不可求。孔聖亦曰從所好。請看咫尺芸窻外。營營蒼蠅

不可掃。

十五夜無月。十六十七又陰。十八初晴。書感憶昨從。駕在鄉年。蒜湖幾回泛樓船。樓船動處棹歌起。小船來時樽酒傳。醉吟不背三秋賞。陪遊多是。一時賢。玉笋掠去溪松韻。金管吹覺洞龍眠。圓音壯遊渾如夢。孤枕淒涼墨水邊。杜門荏苒春又秋。清賞曾期三五天。寧知浮雲妬我興。不許蟾影入詩篇。浮雲散時月已虧。幽光半夜使人憐。月光盈虛有常數。浮雲合散亦自然。天意從來既如。

此人事何由得萬全。飄樽猶足慰幽獨。蟲聲亦堪當管絃。夜闌風冷月逾白。爽氣逼人欲仙。却是化工妙手段。付與玉兔七分圓。

將就枕不勝清絕。又得小詩。

冷露沾蟲蟲更悲。片雲磨月月逾奇。秋光夜色無人管。一段清愁侵做帷。

乙巳

謫居新年

又見乾坤日月新。書窻堆積舊年塵。零丁猶作

都客閑散還迎強仕。春膝不屈人非爲貴。樽常蓄酒未全貧。何時歸去東湖上。起捧壽觴祝老親。

乙巳仲春二十日。于長楊君見訪。分林花掃

更盡句得掃字。

江城二月春。處處風光好。微雨洗林花。輕煙蒸野草。玉樓幾人醉。金閨幾人惱。別有辟世客。默坐傷懷抱。志業憐齟齬。形骸任枯槁。偶有同人來。妙理共探討。濁酒銷隱憂。新詩發幽藻。詩成酒又酣。會中頓浩浩。既知不尤人。那須怨彼昊。不羨郭汾陽。

中書廿四考。何如日日閑。一樽相對倒。昨日迎青春。青春看將老。請看落來花。更有暴風掃。

將徙小梅過吾妻橋畔有感

青年此地嘗遊遊。花下銀鞍月下舟。白首孤囚何所見。滿川風雨伴羈愁。

次韵冢生梅邨即事四首

卑濕不嫌官舍陋。南窗寄傲亦吾廬。多情寂寞愛春林。鳥闌蹴飛花落謫居。

既將身跡付沈埋。惆悵何須吟打乖。翠竹白沙風

月界絕無塵事到。曾懷

賈生憂憤治安策。歐子孤忠朋黨論。歎息賈歐千載後。策論依舊屬空言。

幽囚不許賦歸歎。衣帶日寬髻日疎。何物尤爲一身累。滿腔盡是古人書。

三月十日冢生賞櫻於長隄未食頃而遽歸

蓋畏雨也詩以戲之近有一大男來自肥前冢生適觀之於途云

長隄花如雪。爛熳十里駘。騷人亦乘興。逍遙水之涯。忽驚密雲合。又意落日斜。徘徊畏滂沱。歸來先

東坡詩集
昏鴉只道逢大男。環視人如麻。腰帶十圍許。骨節可專車。大男雖奇矣。豈足比春葩。別有細腰物。雲鬢亂鬢髻。盍相提携去。飽看雨中花。

三月十四日卽事

自笑幽居枕墨江。閉門唯聽水潺潺。陶陶清興酒三盞。落落雄心劍一雙。燕雀何知勝與廣。龍鳳誰訪葛兼龐。多情獨有春天月。夜夜婆娑到小窻。

自次前韻

落日銜山煙掠江。茶甌時作水聲涼。天涯歸去馬無數。屋角飛來燕幾雙。晚食旣當梁肉美。廣居何羨厦堂麗。都城十丈紅塵暗。不到江村三尺窻。

三月十八日早起將盥適微風颯然吹桃花一片墜於庭二首

嗟汝何嫌歌舞筵。飄然獨伴謫居邊。桃花有意應微笑。失脚漫煩吾子憐。

春滿江村客若麻。孤囚自分負繁華。千紅萬紫東風面。識得幽庭一片葩。

春晚二首

東坡詩集
削。綵。塵。常。滿。博。爐。灰。日。深。功。名。既。寔。寔。歲。月。獨。駸。
駸。爲。客。知。炊。玉。離。羣。違。斷。金。何。堪。歸。鴈。影。一。一。動。
鄉。心。

其二

風。靜。花。猶。落。日。長。愁。更。深。欲。留。青。帝。駕。獨。奈。白。駒。
駸。鳥。惜。櫻。邊。雪。蜂。貪。菜。畝。金。殘。春。君。勿。惜。不。息。是。
天。心。

新徙小梅村謫居三首

蠖。屈。豈。求。伸。龍。蟄。僅。存。身。故。園。筑。山。北。謫。居。墨。水。
濱。門。戶。嚴。鎖。鑰。吏。卒。護。吾。隣。雖。不。遭。縲。紲。奚。異。獄。
中。人。丹。心。猶。隨。我。未。必。歎。苦。辛。黃。卷。亦。伴。我。好。與。
古。賢。親。悠。哉。小。窻。下。睥。睨。三。千。春。

其二

階。前。一。步。地。檐。端。數。尺。天。天。地。雖。狹。小。形。骸。尚。安。
全。墨。水。春。正。好。遊。人。若。雲。連。酣。歌。和。金。管。舞。袖。翻。
樓。船。今。日。白。頭。翁。昨。日。少。年。郎。但。趁。繁。華。樂。無。奈。
歲。月。遷。不。似。幽。齋。裡。曲。肱。穩。穩。眠。

其三

東坡詩集
賈生謫長沙才名動千古。管公竄紫海英光耀天
宇。嗟我百無能學術極迂腐。而喜蹈危機罪戾真
自取。江村春漸滿澹煙遶柴戶。雖無佳客來聊與
水手伍。吁嗟復何言賢愚一丘土。

次韻揚子長詩書感

并引

余在礫川謫居與揚子長分字賦詩時子長苦
吟不成篇而歸會翌日有命移居於墨水之
濱一切禁他人來訪獨以江生者與余有姻好
僅得通問後數日子長裁前日詩付江生見寄

因次其韵情見於詩

春光何熹微春愁何寂寞盡日無客來門外可羅
雀僮僕解讀書伴我處窮約時時瓢去餘酒使
我酌悠哉醉鄉遊不換三公爵身生任沈淪世事
付笑噱富貴不足恃曲肱真有樂始悔四十年栖
栖塵土託譬若耕瘠田水旱動作虐譬若遇急流
舟楫常易却嗟吾倦世途要將老村落人心變炎
涼孰能辨美惡墨江月淡淡紅桃花灼灼嘯月且
吟花曾無禮法縛坐遂萬物情何必羨白澤小大

東坡詩集
有往來陰陽任復剝。誰知醉昏昏。勿嫌酒薄薄。日月忽如流。光陰不駐脚。請看今夕事。明朝已作昨。
偶成
半夜踈鐘淺。卅寺一犁膏。雨小梅村春。愁寂莫無人。問閑剪孤燈。伴旅魂。

謫居值三日。門外遊人如織歡。呼咲噤聲滿。長隄余漫几。寫字無聊殊甚。適方平自外歸。攜酒與魚。余之喜於。是可知也。直割魚爲鱠。撥火溫酒。酒酣耳熱。揮毫泄悶。亦一時之痛。

快也。

墨水距舍一數步。長隄逶迤橫其際。青春况又上巳辰。士女絡繹競萃麗。或跨白馬揮金鞭。或擁紅妝動吟袂。隔牆誰憐幽人居。柴門不開戶常閉。閉戶先生成何事。芸窗日夕涉經藝。黃塵空誤四十年。青史欲冤三千載。流離困厄氣尚雄。所以畢竟遭罪戾。雖然先生亦有情。每逢佳節獨垂涕。人嫉先生非嫉人。世棄先生豈棄世。僮僕獨攜瓢與盤。金龍山畔酒有贄。先生熟視喜欲狂。直向爐邊逞。

吞噬酒酣興來百憂銷不用水邊故菰稷維昔落
 魄在中郎光風霽月本同契白雪堆中訪王子杜
 若洲頭憶伉儷舟子無情指白鷗墨水日暮不耐
 濟當年遺蹤今猶存曠世風流誰復繼吁嗟中郎
 雖失時未聞騎鞍東洲滯不似先生閉門戶三尺
 蓬蒿歎匏繫人生浮沈何足言大運從來有隆替
 君不見西東長鯨捲海波睥睨殆作垂涎勢去年
蘭夷使者乘軍艦來於長崎頃者又不見皇天丁
又聞夷船一隻出沒房總之間
 寧垂烟戒日暮南方氣似等往年癸卯之春白氣
見於西南今春復見

長數十丈丹心誰懷杞人憂白屋安知廟堂計好吊千
 古忠義魂欲為扶桑培根抵中

三月四日即事

半窻斜日影徘徊數點昏雅歸去來却笑閑人亦
 多事讀書方倦又銜盃下

偶成

數尺幽齋遠市朝栖遲何必伴漁樵丹心未與朱
 顏變白日暗隨青帝銷山郭水邨春寂寞風窻雨
 室夜蕭條自疑家是貧耶富飽喫菜根醉酒瓢

三月二十一日書感

我春蒐多用此日 老公之在藩

金甲聯翩旭日紅。千軍肅出自城東。並驅從獸莽
蒼外。環坐論功帷幕中。往事有時入幽夢。孤囚無
路近明公。殘春高卧閑窗下。只見落花翻晚風。

夢醒

黜陟近來都不知。幽居黜處殆周基。枕頭空記鄉
邊夢。夜半苦吟愁裏詩。老鼠侮人燈滅後。新蟾窺
戶雨晴時。呼僮咲問果何事。疇昔殘樽可幾卮。

記夢

曩時處世忙。夢短又善忘。身閑夢亦長。時時到家
鄉。愉色見萱堂。兒童戲其傍。三徑雖就荒。瘦梅尚
傍牆。郊外追芬芳。吟筇時徜徉。野花暗飛香。春禽
巧弄簧。坐對綠竹篔簹。笑傾白玉觴。萬象看不常。若
有又若亡。飄飄寒衣裳。御風如鳥翔。下視水渺茫。
上有山鬱蒼。仰之神氣王。欲往叩天閭。山路險羊
腸。危巖吾前當。失脚身忽僵。倒墜自高岡。夢斷空
悲傷。依然三尺牀。兩手壓膏肓。孤燈炯有光。嗟吾
頑而狂。奔走名利場。素志毫不償。艱難獨備嘗。寒

厨之糟糠。夢魂猶激昂。援筆賦詩章。語言亦荒唐。
癡人勿稱揚。忍增謫居殃。

聞欣賞先生遽致仕

雄藩泰斗望絕代。經綸妙一朝。挂其冠。世事付長
嘯。群小拍手慶。衆賢竊相吊。疾殆入膏肓。扁倉不
易療。美人垂玉簾。神龍潛蝸蟻。不如歸去來。况有
煙景名。坐聞春鳥吟。閑看池蛙跳。微風過長松。清
韻好同調。孤月侵蜜雲。幽光時相照。想像欣賞齋。
竒文幾成料。愧吾獨何人。頑鈍真不肖。排佛憐昌

黎攘夷。憶嫫姚。志大而材疎。舉世譏且笑。幽居墨
水濱。白日塵紛少。何時還故山。與君縱臨眺。三斗
汝陽酒。一竿子陵釣。縱令老江湖。竟終忘廊廟。苟
發太陽光。奚患螢火燭。欲培扶桑根。不必假津要。
綴詩雖陋乎。聊結他日約。

三月盡示冢生

既屈蝸廬絕俗塵。人間歲月爲誰頻。直須唱和詩
千首。墨水猶餘一日春。

同詠力平和田生

東坡詩集
孤樽久倒。榼生塵。空見東君促別頻。盍喚青州一
從事。教吾沈醉。餞殘春。

三月盡對酒。以樹頭蜂抱花鬚。落池面魚吹
柳絮。行句爲韻。賦雜詩排悶。蓋數刻之間。且
飲且賦。或醉或醒。醒則多枯槁衰颯之音。醉

則生邁往凌雲之氣。亦可供一咲也。原十四
存八

有足不出門。何用杖與屨。有目不接人。猶向風物
寓風物。不我俱在。舟春已暮。飛花委幽蹊。遊絲遶
新樹。啾啾百轉。鶯濯濯雙行。鶯悠哉。萬物情適我。

閑中趣。舉酒餞東君。君暫爲我駐。江頭今相別。明
年何處遇。

香雪謝庭樹。新霜上我頭。庭樹有再榮。我頭不可
鬆。青年勿勿去。墨水滾滾流。乾坤眞旅寓。身生一
蜉蝣。須傾三盃酒。消磨萬古愁。興酣氣激昂。直欲
衝斗牛。詩成筆縱橫。自驚走螭虬。借問朱門裏。亦
有此樂不。

踰躡風前蝶。續紛樹間蜂。或吸露華潔。或餐花氣
濃。不似窮措大。幽居背吟筇。身纏白結褐。口絕兼

味供男兒要有立何問飲與禳無材堪射虎有跡
似卧龍數奇尚解飲便合醉鄉封青春今日盡坐
見夕陽春

結髮志功名胡塵期一掃壯心空蹭蹬失脚幾回
倒四時如轉輪青春看又老野馬映槿籬光風襯
塘艸斯夕杜門人兀坐對蒼昊客中食無魚雨後
寢多蚤小詩遺幽悶斗酒寬懷抱群蛙似嘲吾得
意曠行潦

一齒搖欲隨雙眼未生花雖苦夾乾肉猶可讀五

車芸窻荷努力豈無分寸加那知貧如洗典藉不

易除欲就親朋借亦畏俗論譁比總長為客東湖

既移家本月十二日官吏收東湖廬移妻孥於城東新宅謝交口久默送

春手空又無端雙行淚不啻惜物華

謫居何所得養成數寸鬚肯比雲長美猶堪誇寒

儒俗稱疎鬚落落夕在口邊者曰貧乏鬚朝夕撫且擲自笑處世迂米

鹽屢告乏膏肉不入厨猶傾墨水春淺草美酒時時使

鐘沾朝衣既典盡四壁堆酒壺豫思歸家日行李

一物無元是敗軍將于思誇妻孥

淺艸墨水春。獨有東湖酌。豈無酌酒人。莫我愛酒。
若我有一片氣。軒昂而磊落。九重戀宸闈。萬里
涉朝漠。非醉又非狂。孰能鑿斯瘳。痛飲正淋漓。心
骨始開拓。身屈數尺廬。坐跨揚州鶴。宜乎李謫仙。
生死屬杯杓。

開尊閑覓句。喚水洗鳳池。陶泓新出浴。陳玄亦淋
漓。耳熱微酣酒。首傾未定詩。詩成人亦醉。醉墨何
參差。古寺疎鐘起。小窻斜陽移。冥冥江邨暮。四顧
使我悲。三春無限恨。須付微醉時。俄爾投彩筆。又

傾白玉卮。

聞後藤甚五獄中訃。

平生未識面。早已見其心。忽聞獄中訃。只有淚淋
淋。

八月十二夜。月色甚奇。分韻與家生賦詩。得
明字。

天色碧琉璃。無復片雲橫。但看飛鏡影。皎皎遍江
城。蠅頭字可讀。不假離婁明。滿襟皆風露。何羨伯
夷清。遽命一太白。頻向銀漢傾。興來天地狹。飄然

四體輕幽囚未可侮身在白玉京

同得陰字

九秋風物易傷心况復離群違斷金還羨墨江一
輪月清光應照筑山陰

八月十八夜夢攻諸厄利亞

絕海連檣十萬兵雄心落落壓胡城三更夢覺幽
窻下唯有秋聲似雨聲

東湖詩鈔上

010190526394

48-13570

